

## Publicaziuns officialas dils 19 da zercladur 2026

### Vischnaunca Trun

#### Damondas da baghegiar

##### Datum da publicaziun: 19-06-2026

Petent: Andreas Defuns, Pfad 13, 6330 Cham  
Representanza: Simeon Baumanagement AG, Via Resgias 11, 7166 Trun  
Object: Midada da scaldament en casa (niev: pompa termica d'aria ed aua) ed in  
niev tgamin da metall vid la fatschada encunter sera sin parcella 2362 a  
Darvella.  
Zona: Zona d'adattaziun dil vitg

##### Protestas:

Il plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

*Administraziun communal Trun*

#### Muot da Munt–serrada dalla senda

A partir dils 1 da zercladur 2026 entscheivan las lavurs da construcziun vid las lavineras sut il Muot da Munt. Ord motivs da segirtad vegn la senda che meina naven dalla Alp Munt enviars la Alp Glivers (Sumvitg) serrada per in e scadin. Las lavurs cuozzan prevedentamein entochen igl atun 2026. Per ulteriur sclariment stat il selvicultur (081 920 20 46) a disposiziun. Nus engraziein per vossa capientscha.

*Uffeci forestal Trun*

#### Elecziuns communalas

Quest atun han las elecziuns dils organs communalas per la perioda d'uffeci 2027-2029 liug. Sin fundament dalla lescha davart votaziuns ed elecziuns ha la suprastanza communal fixau ils suandonts datums:

Las elecziuns per **la suprastanza communal** han liug **dumengia, ils 27 da settember 2026**. Demissiuns ein tenor artechel 17 dalla suranumnada lescha d'inoltrar 60 dis avon la reelecziun, pia entochen gliendisdis, ils 27 da fenadur 2026, en scret alla suprastanza communal.

Las elecziuns per **il cussegl da vischnaunca e la cumissiun da gestiun** succedan **dumengia, ils 29 da november 2026**. Demissiuns ein tenor artechel 17 dalla lescha davart votaziuns ed elecziuns d'inoltrar 60 dis avon la reelecziun, pia entochen mardis, ils 29 da settember 2026, en scret alla suprastanza communal. Officials che han buca demissiunau valan sco proponi.

*Suprastanza communal Trun*

**Fiasta da stad en Casa s. Martin, Trun**

**Sonda, ils 20 da zercladur 2026** envida la Casa s. Martin, Trun, parents ed enconuschents da nossas cussadentas cussadents sco era vischinas e vischins da lunsch e damaneivel all'usitada fiasta da stad cun grillada, buffet da salata e dessert. L'occurrenza ha liug denter las 11.00 e las 16.30. Vossa viseta fagess a nus grond plascher, seigies beinvegni.

*Meinacasa e persunal*